

Nihánj me síj vij yanj cartá qui'yaj síi cu'naj Pabló ca'néé so' rihaan nij yuvii noco' man Diose yanj chuman' cu'naj Tesalónica a

1 Síi cu'naj Pabló do', síi cu'naj Silvano do', síi cu'naj Timoteo do', me núj, ne 'yaj núj yanj cartá nihánj ca'nej núj rihaan nij soj sij yanj chuman' cu'naj Tesalónica sij noco' man Rej ní' Diose do', man Jesucristó sij 'nij ra'a man ní' do' a. ²Me rá núj qui'yaj Rej ní' Diose do', qui'yaj Jesucristó sij 'nij ra'a man ní' do', se luj che'é soj, ne me rá núj gaa xej nimán soj, qui'yaj roj so' a.

Nana nihánj taj xna'anj se vaa
ve'é noco' nij síi cuchumán
rá ni'yaj man Jesucristó yanj
chuman' Tesalónica man Diose a

³Sa' uxrá doj canoco' nij soj man Diose, ne cunuu 'ee doj rá 'o 'o soj tinúú soj daj a güii, ne che'é dan no xcúún núj niganj nago' núj gracia rihaan Diose che'é soj, tinuj, nocoj. ⁴Ne ma'an núj nata' rihaan nij yuvii noco' man Diose yanj que'ee chuman' se vaa ve'é 'yaj soj, ne dan me se taj núj se vaa 'yaj ndo'o nii sayuun man soj, tzaj ne yo'o amán rá soj ni'yaj soj man Diose, ne 'o

vaa sca' rá soj rihaan sayuun, ne yo'o noco' raan soj man Diose ei. Dan me se yo'o a'mii sca' ya ma'an núj che'é soj rihaan daj a nij síi noco' Diose yanj daj a chuman' se vaa uxrá táá ri'yunj nii man soj ne uxrá ran' soj sayuun, taj núj rihaan nij so' ei.

Nana nihánj taj xna'anj che'é güii
qui'yaj Diose sayuun man nij yuvii
'yaj sayuun man nij síi cuchumán
rá ni'yaj man Jesucristó a

⁵Che'é se vaa 'yaj soj, che'é dan ne'en ní' se vaa nica vaa nana cataj xna'anj Diose che'é soj a. Dan me se nuchruij raa Diose che'é soj, ne cataj xna'anj Diose se vaa ca'vee cayáan soj ga Diose asa' guun chij Diose rihaan chumii nihánj, ne che'é ma'an güii dan ran' soj sayuun nanj á. ⁶Dan me se ne'en ní' se vaa nica vaa rá Diose qui'yaj Diose sayuun man nij yuvii qui'yaj sayuun man soj, ⁷ne nica vaa rá Diose cataj xna'anj Diose se vaa navij güii ran' soj

sayuun, ne naraan rá soj ga núj, ne veé danj naraan rá taran' ní' güii curuvi' uún Jesucristó sij 'nij ra'a man ní' do', curuvi' nij se-mozó so' síf nucuaj ndo'o do', curuvi' rej xtá' rque 'o ya'an chuguun a. ⁸Ne qui'yaj Jesucristó sayuun man nij yuvií ne ne'en man Diose do', man nij yuvií na'vej rá cunó se-nana Jesucristó sij 'nij ra'a man ní' nana sa' do' a. ⁹Dan me se quirán' nij so' sayuun che'é cacun' qui'yaj nij so', ne dan me se rej yaníj cumán nij so', cacaa nij so' nu' cavii nu' ca'anj a. Se quene'en nij so' man síf 'nij ra'a man ní' do', se quene'en nij so' se vaa ve'é ndo'o vaa so' do', yan nucuaj ndo'o so' do' ma'. ¹⁰O se güii ca'na' uún síf 'nij ra'a man ní' rihaan chumií nihánj me se cataj nij síf sa' noco' man so' se vaa ve'é ndo'o vaa so', ne sa' uxrá vaa nu' se vaa qui'yaj so' a. 'O se cuchumán ya rá soj cuno soj nana nata' núj rihaan soj ei.

Nana nihánj taj xna'anj se vaa achíin ni'yaj Pabló rihaan Diose se vaa račuíj Diose man nij síf cuchumán rá ni'yaj man Jesucristó a

¹¹Che'é dan niganj achíin ni'yaj núj rihaan Diose che'é soj se vaa ca'vee quisij soj guun soj nu' ndaa vaa me rá Diose guun soj gaa canacúun Diose man soj canoco' soj man so' a. Ne achíin ni'yaj núj se vaa račuíj ndo'o Diose man soj qui'yaj suun soj nu' suun sa' me rá soj qui'yaj suun soj, che'é se sij amán rá ni'yaj man Jesucristó me soj a. ¹²Dan me se ndaa síj, gaa ne ca'vee cavii sa' doj Jesucristó sij 'nij ra'a man ní' ni'yaj yuvií che'é

se vaa qui'yaj ma'an soj, ne cavii sa' ma'an soj ni'yaj yuvií che'é se sij noco' man Jesucristó me soj a. Danj inanj me se luj me rá Diose síf noco' ní' man do', Jesucristó sij 'nij ra'a man ní' do', qui'yaj roj so' che'é soj adonj.

Nana nihánj taj xna'anj che'é síf chi'ii ca'na' rihaan chumií a

2 Dan me se aj ne'en soj se vaa ca'na' uún Jesucristó sij 'nij ra'a man ní', ne cunu chre' ní' ga so', tinuj, nocoj. Che'é dan cataj xna'anj núj rihaan soj cuano ²se vaa se guun vij ra'yanj rá soj ma'. Se caráya'anj soj nana cuno soj se vaa aj quisij güii ca'na' uún Jesucristó rihaan chumií ma'. Nuveé nana ya me nana yo' ma'. Ca'vee se nana ca'mii Nimán Diose me yo' taj nii, ca'vee se danj a'mii 'o síf a'mii natáj taj nii, ca'vee se nana cachrón núj rihaan 'o yanj cartá me yo' taj nii, tzaj ne taj se 'yaj ma'. 'O se ataa quisij güii ca'na' uún Jesucristó adonj. ³Dan me se na'vej uxrá raj tihá' yu'unj nii a doj man soj a mei. Dan me se asino tucuaj yuvií rihaan Diose, ne ca'na' yo'o síf chi'ii rihaan chumií, ne síf se ca'vej rá cunó rihaan Diose guun so' a. Dan me se xa' so', tzaj ne sij aj cacaa guun so' vaa güii ei. ⁴Dan me se quinachri' so' man cunudanj ya'anj, ne a 'ó rasuun se ca'vej rá so' na'vij yuvií rihaan ma'. Dan me se catuu ma'an so' nuví noco' cayáan so' rej na'vij yuvií rihaan Diose, gaa ne ca'mii ne so' cataj so' se vaa ma'an so' me Diose á.

⁵Sese na'núj rá soj, ne nu' nana nihánj me nana cataj xna'anj 'unj

rihaan soj asij rque doj gaa cayáán 'unj ga soj ei. ⁶Ne aj ne'en soj me rasuun aráán chrej rihaan sí chi'ii yo', se vaa se ca'vee ca'na' so' cuano ma'. Dan me se caráán chrej rihaan so' ndaa se quisij güii cachrón Diose ca'na' so', gaa ne ca'na' so' adonj. ⁷Cuano nihánj me se uun ndo'o cacun', tzaj ne ataa quene'en ní' daj gaa nu' cacun' qui'yaj sí chi'ii yo' ei. Ne xa' sí aráán chrej ca'na' sí chi'ii, tzaj ne vaa güii naxuun so' man ma'an so', ⁸gaa ne ca'na' sí chi'ii yo' sí na'vej rá cunō rihaan Diose, gaa ne quene'en ní' daj guun ei. Tzaj ne asa' ca'na' Jesucristó sij 'nij ra'a man ní', ne ca'yanj uun so' man sí chi'ii yo', ne quiri' nu' so' adonj. ⁹Sí chree sí cu'naj Satanás me sí qui'yaj ca'na' sí chi'ii yo', ne ma'an sí chree qui'yaj guun nucuaj sí chi'ii yo' qui'yaj ndo'o so' suun nocoo ni'yaj yuvi, che'é yan tihā' yu'unj so' man nij yuvi a. ¹⁰Ne nu' se chi'ii ndo'o qui'yaj so', tihā' yu'unj so' man nij yuvi ca'anj cacaa nu' cavii nu' ca'anj a. Ne nij yuvi yo' me se nuveé yuvi aran' rá cunō nana ya nana qui'yaj quinanii nij so' rihaan sayuun me nij so' ma'. ¹¹Che'é dan ma'an Diose qui'yaj cuchuman rá so' nana ne, ne canocō' nij so' chrej tihā' yu'unj, qui'yaj Diose adonj. ¹²Danj inanj qui'yaj Diose ga cunudanj nij yuvi ne cuchuman rá nana ya, ne inanj chrej chi'ii niha' rá nij so' canocō' nij so' adonj.

Nana nihánj taj xna'anj se vaa narii Diose man ní' canocō' ní' man so' a

¹³Tzaj ne nō xcúún núj niganj nago' núj graciá rihaan Diose

che'é soj sij 'ee rá sí 'nij ra'a man ní' man, tinuj, nocoj. 'O se narii Diose man soj cunū sa' soj qui'yaj Nimán Diose, ne cuchuman rá soj cunō soj nana ya, ne quitaj yaan soj rihaan yo'ó nij sí cavii sa' nu' cavii nu' ca'anj adonj. ¹⁴Dan me se gaa nata' núj se-nana Diose nana sa' rihaan soj, ne canacúún Diose man soj se vaa cavii sa' soj ga so', ne che'é dan daj se ve'é ndo'o vaa Jesucristó sij 'nij ra'a man ní' ro', danj gaa soj uún adonj. ¹⁵Che'é dan canocō' raan soj tucuáán cuchruj núj rihaan soj gaa ca'mii núj ga soj do', gaa qui'yaj núj yanj cartá ca'née núj rihaan soj do' ei. ¹⁶⁻¹⁷Ne me rá núj quinari' nucuaj nimán soj, qui'yaj ma'an Jesucristó sij 'nij ra'a man ní' do', Rej ní' Diose do' a. Ne Diose ro', me sí 'ee rá man ní', ne qui'yaj ndo'o so' se luj ga ní' se vaa naquiyaj nucuaj so' nimán ní' nu' cavii nu' ca'anj, ne guun ya rá ní' se vaa cavii sa' ní', qui'yaj uún so' ei. Ne me rá núj guun nucuaj soj qui'yaj suun soj nu' suun sa', ne ca'mii soj nu' nana sa', qui'yaj Diose adonj.

Nana nihánj taj xna'anj se vaa cachinj ni'yaj nij sí cuchuman rá ni'yaj man Jesucristó rihaan Diose che'é sí cu'naj Pabló a

3 Dan me se vaa yo'ó nana me rá núj ca'nej núj rihaan soj, tinuj, nocoj. Ne me rá núj cachinj ni'yaj soj rihaan Diose se vaa xna'anj uxrá se-nana sí 'nij ra'a man ní', ne cavii sa' nana yo' rej cunō yo'ó yuvi nana yo', ndaa vaa cavii sa' nana yo' gaa cuno ma'an soj nana yo' a. ²Ne cachinj ni'yaj

soj che'é núj se vaa quinanii núj rihaan nij síi chí'ijí uún á. 'O se vaa yuvií ne amán rá ni'yaj man Jesucristó a man adonj.

Nana nihánj taj xna'anj se vaa vaa che'é gaa nucuaj rá ní' man síi 'nij ra'a man ní' a

³O se síi sa' ndo'o me síi 'nij ra'a man ní', ne vaa che'é ndo'o gaa nucuaj rá ní' man so', ne so' me síi qui'yaj nari' nucuaj rá soj, ne tumé so' man soj se vaa se qui'yaj canaán síi chree rihaan soj adonj. ⁴Ne nucuaj rá núj man síi 'nij ra'a man ní' se vaa yo'o 'yaj ya soj nu' se vaa cataj núj rihaan soj, ne dan me se veé 'o danj ya qui'yaj soj ei.

⁵Ne me rá núj se vaa racuíj síi 'nij ra'a man ní' man ma'an soj daj qui'yaj soj, caraa cochroj soj rihaan Diose, ne yo'o canoco' soj man Diose ndaa vaa qui'yaj ma'an Jesucristó, ne se ca'ne' rá soj ga suun 'yaj danj ma'.

Nana nihánj taj xna'anj se vaa se gaa rmií ní' ma'

⁶Ne che'é se sij noco' man síi 'nij ra'a man ní' me nu' ní', ne che'é dan cataj xna'anj 'unj yo'ó nana rihaan soj, tinuj, nocoj. Dan me se guun yaníj soj rihaan nu' nij tinúú ní' nij síi noco' chrej rmií na'vej rá qui'yaj suun ei. 'O se sij ne noco' tucuáán narqué núj rihaan me nij so' nanj adonj. ⁷O se aj ne'en soj se vaa no xcúún soj qui'yaj soj ndaa vaa qui'yaj núj gaa cayáán núj ga soj, ne dan me se ne vaa rmií núj gaa cane núj ga soj ma'. ⁸Ne ne cha un chraa rihaan soj ma'. 'O se

nu' se chá núj naru'vee núj sa'anj rihaan soj adonj. Tzaj ne 'o se nuvíi nigan' qui'yaj suun uxrá núj quirí' núj chá núj, ne ne qui'yaj suun soj che'é núj, qui'yaj núj ma'.

⁹Dan me se sese guun rá núj cachinj núj se chá rihaan soj, ne cunó xcúún núj qui'yaj núj danj, tzaj ne ne ca'vej rá núj qui'yaj núj danj ma'. Maan se guun rá núj cuchruj núj tucuáán rihaan soj daj qui'yaj ma'an soj adonj.

¹⁰O se gaa cayáán núj ga soj, ne tananj nata' núj nana nihánj rihaan soj ca'mii soj a: “sese vaa 'o síi na'vej rá qui'yaj suun, ne se chá so' chraa ma'”, taj núj rihaan soj adonj.

¹¹Aj cuchi' nana rihaan núj se vaa ta'aj síi rmií 'nij sca'núj soj, ne nij so' me se na'vej rá nij so' qui'yaj suun nij so', tzaj ne na'née rma'an nij so' nana rihaan tuvi' nij so' a.

¹²Che'é Jesucristó sij 'nij ra'a man ní' a'ne' núj suun cuano rihaan yuvií 'yaj danj, se vaa dínj gaa tu'va nij so', ne qui'yaj suun nij so', ne inanj se chá qui'yaj canaán ma'an nij so' cha nij so' á.

¹³Ne xa' ma'an soj, tzaj ne se ca'ne' rá soj qui'yaj suun soj suun sa', man tinuj, man nocoj.

¹⁴Sese yo'o tuvi' soj na'vej rá cuño nana cachrón núj rihaan yanj nihánj, ne xcaj soj cuentá me síi na'vej rá cunó nana, ne se cayáán rcua'aan soj ga so' ma'. Ndaa síj, gaa ne guun na'aj so' a.

¹⁵Tzaj ne se nachri' soj ni'yaj soj man síi rmií yo' ma'. Tananj ve'é qui'yaj soj, nago' soj chrej nucuaj man so' á. 'O se tinúú soj me so' adonj.

Nana nihánj taj xna'anj se vaa
ve'é cumán nij sísí cuchumán
rá ni'yaj man Jesucristó
yo', rá sísí cu'naj Pabló a

¹⁶Qrún' sísí 'nij ra'a man ní' ne'en
qui'yaj gaa xej nimán ní', ne me
rá núj qui'yaj so' danj che'é soj
nų' güii a. Ne ca'vee se me ma'an
sayuun quirán' soj, tzaj ne dínj gaa
nimán soj, qui'yaj so' á. Ne me rá

núj cayáán sísí 'nij ra'a man ní' ga
taran' soj adonj.

¹⁷Ma'anj sij cu'naj Pabló ra'aj
achronj nana nihánj se vaa ve'é
cumán soj raj a. Danj inanj 'yáá
'unj doj nana rihaan cunudanj
nij yanj cartá a'née 'unj, ne nanj
vaa letrá achronj a. ¹⁸Me rá núj
qui'yaj ndo'o Jesucristó sij 'nij
ra'a man ní' se luj che'é cunudanj
soj adonj.